

梅里志

儕敬堂藏板

序

淺草文庫

泰伯君句吳都梅里平墟
號吳城今常州府無錫縣
治東三十里是也而皇山
有吳皇墩相傳爲泰伯葬



地漢梁鴻遁於此因名鴻
山山下曰伯瀆此其顯證
也然則泰伯都於吳城葬
於皇山相去僅十里許地
勢牙錯想見古聖人恭儉

簡易之風毋侈欲以殫財
因山爲陵從民之便而已
傳信千載廟祀斯在自晉
太寧元年以迄於有明雖
廢興無常而人心之樂趣

成事如一日焉存禮以
神靈之胄受

聖天子節鉞開府姑蘇金閭
之西舊有泰伯廟傾圯既
久存禮撤而新之并置祊

田若干畝俾襄祀事昨以
公事過梁谿諮詢耆老則
梅里之廟貌皇山之陰闕
儼然在目後千百禩緬推
國姓本始耳孫鼻祖能無

序
盼蠻霜露之思爰編次舊
聞爲梅里志四卷庶來者
有攷焉吾吳氏史官所書
芳芬焜煌存禮以謏劣仰
繼遺緒性悃悞無華夙夜

恪勤職守凡八閱寒暑矣
而吳之民便安之歲無大
災祲乃得以公退之暇從
事編摩存禮之幸也聖賢
遺蹟雖稗史不稽之文好

序
事者尙或表而出之况金
石志乘兩可依據耶錫山
多賢縉紳倘爲搜揚樵採
得遺碑斷碣於榛莽間則
片字拱璧矣此志旣成凡

吾姓冠蓋郵傳過此地者
知泰伯舊都在是冢墓在
是慨然思祖澤緜長恭讓
之不可墜庶而亢吾宗乎
康熙六十一年秋七月

序

總理糧儲提督軍務巡撫
江寧等處地方都察院右
副都御史加七級後裔三
韓存禮謹序

吾教宗蓋雅辭歐此此

序

梅里錫之一鄉也泰伯都此
自號句吳為吳名所自始由
周迄今上下數千百年吳會
名區財賦人文甲天下孰非

泰伯貽之益於梅里始基之
矣大中丞三韓吳公伯裔也
手輯梅里志一編眎吳編修
耆菴以詔生長是鄉屬為攷
定首列吳世家次世系次建

置山川城郭祠墓終以詩文
凡如千卷夫中丞公奉
命撫吳距今八年唯仰體
聖天子軫念吳民至意凡所施
設務為寬大改用和平獄訟

不興灾祲不作或小遇水旱
輒䟽請緩征亟賑以蘓民困
又以其間躬親教化俾磨揉
遷革於不自知以故禮讓興
行風俗淳美先是

天子嘉公政績

特御製詩一章以賜比復

御書學道還淳四字扁額頒賜

蘓州學宮之紫陽書院公實

荷茲

寵命

宸章爛然輝映日月從此益圖

報稱揚

主德以光祖烈垂之典冊播之
聲詩夫豈有涯涘哉以公撫


綏三吳江南七郡一州縣各
有志宜悉統於公勒為一書
而獨於區之梅里是亟者公
吳氏系始泰伯而三吳人物
之輻輳文章理學之昌明實

自泰伯之都梅里始志梅里
正所以崇其始也夫康熙又
壬寅冬十一月朔日

賜進士出身
勅授文林郎翰林院庶吉士加

一級

欽取內廷纂修里人杜詔謹序



序
江以南皆吳地也吳之名則
自秦伯之都梅里始梅里在
無錫縣東南三十里去吳郡
不百里而近余自令吳以來

嘗緬懷至法遺風竊思一至
其地瞻其廟貌訪其山川城
郭遺跡所在卒未可得比蒙
特恩擢守吳郡有錫山族子名
烜以前撫憲吳公所輯梅里

志垂示展讀再三慨然增嘆
余與公並家遠左以累世通
門忝為屬吏恩顧甚厚今公
謝政居吳門三吳之民无不
思慕公者在昔秦伯肇造三



吳於梅里之墟端委以治距
今三千三百餘年吳中文物
聲名甲於寰宇蓋至法之留
貽遠矣公以神靈之胄適躬
膺印鉞開府江南凡心有餘

年吏悅民安風化滋茂乃因
念梅里故墟為祖德肇基之
地實三吳風化之所自來於
是采摭舊聞輯成斯志是以
補江南通志之缺其有關於

三吳者甚大非獨一家一邑
之壽而已余因屬名烜重加
校勘登諸梨棗六以成公志
也烜字暘谷英年讀書嗜古
與余先世皆系出吳郡之洞

庭山秘書公之後而家居梅
里高曾以來修葺泰伯祠墓
厯有可考其得附名斯志之
未也宜矣雍正二年三月十
有一日

中憲大夫知江南蘇州府事
加四級褒平蔡永清謹序



烜家世居梅里自高曾以來嘗葺泰伯
廟至吾祖景鴻公復大加修治工既落
成以梅里為泰伯所都不可無志命烜
輯之因購得十峰錢氏本其所纂城郭
道里及歷代褒崇祀典止節錄碑記遺
文語焉未詳又得鴻岳浦氏皇山古蹟
一卷記載山林景物間有可采日與同

學李天根尋故都遺地約其疆域遠近
溯其山川脈絡識其村鎮橋梁考之史
傳證之乘志紀其大畧請趙文岐繪圖
卷首箴之篋笥未敢云志也大中丞三
韓吳公實泰伯遺胄巡撫三吳懼祖德
之弗彰也思有以闡揚之迺囑編修者
菴先生訪求故迹索烜藁去公手加編

次踰年書成烜受而讀之見其序次有
規編輯有體述事簡覈鑄詞雅馴誠足
考鏡前徽昭示後禩大非烜等淺見渺
聞者所可幾及矣公猶不自滿假復囑
太史雲川先生訂定之吳太守芥亭公
按勘之然後付之刷氏命烜董成之嗚
呼著述之難如此夫以公之宏才博學

猶必經數人之手始有定本如烜之鄙
陋因循荏苒宜無以成吾祖之志也今
觀厥成不有厚幸耶十峰錢氏名肅潤
鴻岳浦氏名光騰邑諸生趙文岐名弘
基李天根名大本布衣皆里人也志無
凡例故牽率書之里人蔡名烜謹識



梅里志目次

卷首

梅里圖

泰伯廟圖

泰伯墓圖

卷一

史記吳太伯世家 并贊

經傳散見事實 摘錄

史記吳太伯世系

吳地記太伯世次 備叅

卷二

建置

城郭

山川

附人物遺蹟

祠墓

歷朝崇祀褒典

附泰伯廟贍田記略

泰伯廟免糧碑

卷三

復免糧碑

古歌

五篇

樂章

六篇

古今詩


一百八十九首

卷四

文

三十一篇






自泰伯奔荆蠻端委以治而江以南斷髮文身之俗悉化為聲名文物之區是至德之漸被不可以道里疆域限也然溯其始基端在梅里片壤故是志所載以伯瀆為主而南北稱之廣袤不踰五六十里今卽準是繪圖紀其山川注其邨落俾觀者展卷瞭然想見肇基形勢譬如泰山之雲起於膚寸而覆霑萬物卽於是乎在也

里人趙弘基繪圖并識

泰伯墓圖

此處向有屋居道者今圯



梅里志卷一

江南巡撫泰伯後裔存禮編

吳郡守蔡永清校

里人蔡杜詔訂

吳太伯世家

吳太伯

正義曰吳國號也太伯居梅里在常州無錫縣東南 太伯弟仲雍

紀古公有長子曰太伯次曰虞仲即仲雍也

吳越春秋雍一名吳仲又素隱系本日吳孰哉居藩籬

宋衷曰孰哉仲雍字

藩籬今吳之餘暨也 皆周太王之子而王季歷之

兄也季歷賢而有聖子昌太王欲立季歷以及昌

於是太伯仲雍二人乃犇荆蠻文身斷髮示不可用應劭曰常在水中故斷其髮文其身以象龍子故不見傷害以避季歷季歷

果立是為王季而昌為文王太伯之犇荆蠻自號

句吳

宋衷曰句吳太伯始所居地名索隱曰荆者楚之舊號以州而言之此言自號句吳吳名

起於太伯明以前未有吳號地在楚越之界故稱荆蠻顏師古註漢書以吳言句者夷之發聲猶言

於越耳荆蠻義之從而歸之千餘家立為吳太伯太

伯卒無子弟仲雍立是為吳仲雍仲雍卒子季簡

立季簡卒子叔達立叔達卒子周章立是時周武

王克殷求太伯仲雍之後得周章周章已君吳因

而封之乃封周章弟虞仲於周之北故夏虛是為

虞仲

索隱曰夏都安邑虞仲都太陽之虞城在安邑南故曰夏虛左傳曰太伯虞仲太王之昭

則虞仲是太王之子又論語稱虞仲夷逸隱居放言是仲雍稱虞仲今周章之弟亦稱虞仲蓋祖與

孫同號也列為諸侯周章卒子熊遂立熊遂卒子柯相

立柯相卒子彊鳩夷立彊鳩夷卒子餘橋疑吾立

餘橋疑吾卒子柯盧立柯盧卒子周繇立周繇卒

子屈羽立屈羽卒子夷吾立夷吾卒子禽處立禽

處卒子轉立

索隱曰譙周古史考云柯轉轉卒子頗高立索隱曰古

史考作頗夢

頗高卒子句卑立

吳越春秋熊遂作熊子遂橋作喬盧作盧轉作

專句卑作句畢索隱曰古史考云畢軫是時晉獻公滅周北虞公以

開晉伐虢也索隱曰春秋經僖公五年冬晉人執

且請先伐之遂伐虢滅下陽五年傳曰晉侯復假

道伐虢宮之奇諫不聽以其族行曰虞不臘矣八

月甲午晉侯圍上陽冬十有二月滅虢師還遂襲

之虞滅句卑卒子去齊立去齊卒子壽夢立壽夢立

而吳始益大稱王自太伯作吳五世而武王克殷

封其後為二其一虞在中國其一吳在夷蠻十二

世而晉滅中國之虞中國之虞滅二世而夷蠻之

吳興正義曰中國之虞滅後二世合七十一年至

壽夢而興。楊慎曰前既已詳叙太伯建國

虞仲受封之由并其世次分大凡從太伯至壽夢

派至此因虞亡而又總叙之索隱曰自壽夢已下始有其

十九世王壽夢二年春秋唯記卒計壽夢二年

當成公七年楚之亡大夫申公巫臣怨楚將子反而奔

晉索隱曰左氏成二年曰巫臣聘齊及自晉使吳

教吳用兵乘車令其子為吳行人吳於是始通於

中國吳伐楚十六年楚共王伐吳至衡山二十五

年王壽夢卒壽夢有子四人長曰諸樊索隱曰春秋

子過左傳稱諸樊蓋過是名次曰餘祭側界次曰

餘昧莫葛反。索隱曰左氏曰闞戕戴吳杜預曰

戴吳餘祭也又襄二十八年齊慶封奔吳吳

句餘與之朱方杜預曰句餘吳子夷末也按次曰史記公羊作餘昧左氏及穀梁並為夷末

季札季札賢而壽夢欲立之季札讓不可於是乃

立長子諸樊攝行事當國王諸樊元年系本日諸樊徙吳也

諸樊已除喪讓位季札季札謝曰曹宣公之卒也

諸侯與曹人不義曹君服虔曰宣公曹伯盧也以魯成公十三年會晉侯伐

秦卒于師曹君公子負芻也負芻在國聞將立子宣公卒殺太子而自立故曰不義之也

臧子臧去之以成曹君服虔曰子臧負芻庶兄君子曰能守

節矣君義嗣杜預曰諸樊嫡子故曰義嗣誰敢干君有國非吾

節也札雖不材願附於子臧之義吳人固立季札

季札棄其室而耕乃舍之秋吳伐楚楚敗我師四

年晉平公初立十三年王諸樊卒有命授弟餘祭

欲傳以次必致國於季札而止以稱先王壽夢之

意且嘉季札之義兄弟皆欲致國令以漸至焉季

札封於延陵故號曰延陵季子地理志云會稽毘陵縣季札所居

王餘祭三年齊相慶封有罪自齊來奔吳吳子慶

封朱方之縣吳地記曰朱方秦改曰丹徒以為奉邑以女妻之

富於在齊四年吳使季札聘於魯在春秋魯襄公二十九年請

觀周樂為歌周南召南曰美哉始基之矣猶未也

然勤而不怨歌邶鄘衛曰美哉淵乎憂而不困者也吾聞衛康叔武公之德如是是其衛風乎歌王曰美哉思而不懼其周之東乎歌鄭曰其細已甚民不堪也是其先亡乎歌齊曰美哉泱泱乎大風也哉表東海者其太公乎國未可量也歌豳曰美哉蕩蕩乎樂而不淫其周公之東乎歌秦曰此之謂夏聲夫能夏則大大之至也其周之舊乎歌魏曰美哉颯颯乎大而婉儉而易行以德輔此則盟主也

徐廣曰盟一作明

歌唐曰思濼哉其有陶唐氏之遺

風乎不然何憂之遠也非令德之後誰能若是歌陳曰國無主其能久乎自鄆以下無譏焉歌小雅曰美哉思而不貳怨而不言其周德之衰乎猶有先王之遺民也歌大雅曰廣哉熙熙乎曲而有直體其文王之德乎歌頌曰至矣哉直而不倨曲而不詘近而不偪遠而不攜遷而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箛南籥者曰

美哉猶有憾見舞大武曰美哉周之盛也其若此乎見舞韶護者曰聖人之弘也猶有慙德聖人之難也見舞大夏曰美哉勤而不德非禹其誰能及之見舞韶箛曰德至矣哉大矣如天之無不燾也如地之無不載也雖甚盛德無以加矣觀止矣若有他樂吾不敢觀去魯遂使齊說晏平仲曰子速納邑與政無邑與政乃免於難齊國之政將有所歸未得所歸難未息也故晏子因陳桓子以納政與邑是以免於樂高之難去齊使於鄭見子產如

舊交謂子產曰鄭之執政侈難將至矣政必及子子為政慎以禮不然鄭國將敗去鄭適衛說蘧瑗史狗史鮪公子荆公叔發公子朝曰衛多君子未有患也自衛如晉將舍於宿左傳曰將宿於戚索隱曰戚衛邑孫文子舊所食也按聞鐘聲服虔曰孫文子鼓鐘作樂也宿字當作戚曰異哉吾聞之辯而不德必加於戮夫子獲罪於君以在此賈逵曰獲罪出獻懼猶不足而又可以畔乎索隱曰按公以戚畔也傳曰而又何樂夫子之在此猶燕之巢於幕也君此畔字宜讀樂賈逵曰衛君獻公棺在殯未葬遂去之文子聞在殯而可以樂乎賈逵曰衛君獻公棺在殯未葬

之終身不聽琴瑟適晉說趙文子

名韓宣子起魏武

獻子

名舒

曰晉國其萃於三家乎將去謂叔向曰吾

子勉之君侈而多良大夫皆富政將在三家吾子

直必思自免於難季札之初使北過徐君徐君好

季札劍口弗敢言季札心知之為使上國未獻還

至徐徐君已死於是乃解其寶劍繫之徐君冢樹

而去

正義曰括地志云徐君廟在泗州徐城縣西南

從者曰徐君已死尚

誰予乎季子曰不然始吾心已許之豈以死倍吾

心哉七年楚公子圍弑其王夾敖而代立是為靈

王

索隱曰春秋經襄二十五年吳子遏卒二十九

年闞弑吳子餘祭昭十五年吳子餘未卒是餘

祭立四年餘未即位十七年系家倒錯二王之

此七年正是餘昧三年昭元年經曰楚子麇卒左

傳曰楚公子圍將聘於鄭未出境聞王有疾而還

入問王疾縊而弑之遂弑其二子幕及平夏葬王

于郊謂之郊敖十年楚靈王會諸侯而以伐吳之朱方以

誅齊慶封吳亦攻楚取三邑而去十一年楚伐吳

至雩婁服虔曰雩婁楚東邑十二年楚復來伐次於乾谿杜預

曰乾谿在譙國城父縣南楚東境楚師敗走十七年王餘祭卒索隱

曰春秋襄二十九年闞弑吳子餘祭合在季札聘魯之前倒錯於此弟餘昧立王餘

昧二年楚公子棄疾弑其君靈王代立焉索隱曰據春秋

即餘昧十年四年王餘昧卒欲授弟季札季札讓逃

去於是吳人曰先王有命兄卒弟代立必致季子

季子今逃位則王餘昧後立今卒其子當代乃立

王餘昧之子僚為王索隱曰此文以為餘昧子公

羊傳以為壽夢庶子左氏文

不明服虔用公羊杜預依史記吳越春秋亦云王僚夷昧子然按左氏狐庸對趙文子謂夷昧甚德而度天所啓也必此君之子孫實終之蓋以僚為夷昧子不應此言王僚二年公子

光伐楚敗而亡王舟光懼襲楚復得王舟而還左傳

曰舟名五年楚之亡臣伍子胥來奔公子光客之

公子光者王諸樊之子也索隱曰此文以為諸樊子系本以為夷昧子

常以為吾父兄弟四人當傳至季子季子即不受

國光父先立即不傳季子光當立陰納賢士欲以

襲王僚八年吳使公子光伐楚敗楚師迎楚故太

子建母於居巢以歸因北伐敗陳蔡之師九年公

子光伐楚拔居巢鍾離服虔曰鍾離州來西邑也初楚邊邑卑

梁氏之處女與吳邊邑之女爭桑二女家怒相滅

兩國邊邑長聞之怒而相攻滅吳之邊邑吳王怒

故遂伐楚取兩都而去伍子胥之初犇吳說吳王

僚以伐楚之利公子光曰胥之父兄為僂於楚欲

自報其仇耳未見其利於是伍員知光有他志乃

求勇士專諸

正義曰吳越春秋專諸豐邑人伍子胥初亡楚如吳時遇之於途專諸方

與人鬪甚不可當其妻呼還子胥怪而問其狀專諸曰夫屈一人之下必申萬人之上胥因而相之

雄貌深目侈口熊背知其勇士見之光光喜乃客伍子胥子胥退

而耕於野以待專諸之事十二年冬楚平王卒十

三年春吳欲因楚喪而伐之使公子蓋餘燭庸

賈逵

曰二公子皆吳王僚之弟

以兵圍楚之六濶

杜預曰濶在廬江六縣西南

使

季札於晉以觀諸侯之變楚發兵絕吳兵後吳兵

不得還於是吳公子光曰此時不可失也告專諸

曰不索何獲我真王嗣當立吾欲求之季子雖至

不吾廢也專諸曰王僚可殺也母老子弱而兩公

子將兵攻楚楚絕其路方今吳外困於楚而內空

無骨鯁之臣是無奈我何光曰我身子之身也四

月丙子光伏甲士於窟室而謁王僚飲王僚使兵

陳於道自王宮至光之家門階戶席皆王僚之親

也人夾持鉞公子光詳音陽為足疾入於窟室使專

諸置匕首於炙魚之中以進食手匕首刺王僚鉞

交於匈遂弑王僚公子光竟立為王是為吳王闔

盧吳越春秋

闔廬乃以專諸子為卿季子至曰苟

先君無廢祀民人無廢主社稷有奉乃吾君也吾

敢誰怨乎哀死事生以待天命非我生亂立者從

之先人之道也杜預曰吳自諸樊已下兄弟相傳

自知力不能復命哭僚墓復位而待董份曰季子

討光故云其興亡如著兆響應而不能知公子光之將弑僚

何也其去而不言以滋亂賊之禍則不可曉豈以

為光真當立耶苟以光為當立則以大義責其國

人而立之僚必不敢不聽何至滋亂也蓋札自潔

之士而於身任社稷或非其才所吳公子燭庸蓋

能耶豈止潔其身而不顧社稷耶餘二人將兵遇圍於楚者聞公子光弑王僚自立

乃以其兵降楚楚封之於舒索隱曰左氏昭二十

庸奔鍾吾三十年左傳曰吳子使徐人執掩餘使

鍾吾人執燭庸二公子奔楚楚子大封而定其徙

無封舒之事蓋王闔廬元年舉伍子胥為行人而

與謀國事楚誅伯州犁其孫伯嚭亡奔吳伯嚭吳

作白喜吳以為大夫三年吳王闔廬與子胥伯嚭將

兵伐楚拔舒殺吳亡將二公子光謀欲入郢將軍

孫武曰民勞未可待之四年伐楚取六與濞五年

伐越敗之六年楚使子常囊瓦伐吳正義曰左傳

令尹杜預曰子常囊瓦為迎而擊之大敗楚軍於豫章取楚

之居巢而還九年吳王闔廬謂伍子胥孫武曰始
 子之言郢未可入今果如何二子對曰楚將子常
 貪而唐蔡皆怨之王必欲大伐必得唐蔡乃可闔
 廬從之悉興師與唐蔡西伐楚索隱曰定四年經
人戰於柏舉楚師至於漢水楚亦發兵拒吳夾水
敗績吳入郢是也陳吳王闔廬弟夫槩欲戰闔廬弗許夫槩曰王已
 屬臣兵兵以利爲上尚何待焉遂以其部五千人
 襲冒楚楚兵大敗走於是吳王遂縱兵追之比至
 郢五戰楚五敗楚昭王亡出郢奔鄖服虔曰鄖公
鄖楚縣

弟

正義曰左傳云鄖公辛之弟懷也

欲弑昭王昭王與鄖公奔隨

服虔曰隨楚與國也

而吳兵遂入郢子胥伯嚭鞭平王之尸

以報父讐十年春越聞吳王之在郢國空乃伐吳

吳使別兵擊越楚告急秦秦遣兵救楚擊吳吳師

敗闔廬弟夫槩見秦越交敗吳吳王留楚不去夫

槩亡歸吳而自立爲吳王闔廬聞之乃引兵歸攻

夫槩夫槩敗奔楚楚昭王乃得以九月復入郢而

封夫槩於堂谿爲堂谿氏

司馬彪曰汝南吳房有堂谿亭正義曰本房子

國以封吳故曰吳房

十一年吳王使太子夫差伐楚取番楚

恐而去郢徙都

索隱曰定六年左傳吳太子終累敗楚舟師杜預曰闔廬子夫差兄

此以為夫差當謂名異而一人耳番音潘楚邑名

十五年孔子相魯十九

年夏吳伐越越王句踐迎擊之檇李

杜預曰吳郡嘉興縣南有

檇李城

越使死士挑戰三行造吳師呼自到吳師觀

之越因伐吳敗之姑蘇

越絕書曰闔廬起姑蘇臺三年聚材五年乃成高見

三百里

傷吳王闔廬指軍却七里吳王病傷而死

索隱

曰左傳云闔廬傷將指還卒於陘去檇李七里此云擊之檇李又云敗之姑蘇自為乖異

闔廬

使立太子夫差謂曰爾而忘句踐殺汝父乎對曰

不敢三年乃報越

王應麟曰夫差之報越其志壯矣燕昭報齊似之取其大節而

略其成敗可也

王夫差元年

越絕書曰太伯到夫差二十六代且千歲

以大夫

伯嚭為太宰習戰射常以報越為志二年吳王悉

精兵以伐越敗之夫椒

賈逵曰夫椒越地

報姑蘇也

左傳作報

檇李也

越王句踐乃以甲兵五千人棲於會稽

賈逵曰會稽

稽山名索隱曰棲左傳作保

使大夫種因吳太宰嚭而行成

索隱

曰大夫官也種名也吳越春秋以為種姓文

請委國為臣妾吳王將許

之伍子胥諫曰昔有過氏殺斟灌以伐斟尋

賈逵曰過

國名也斟灌斟尋夏同姓也夏后相依斟灌而國故曰殺夏后相也

滅夏后帝相帝

相之妃后緡方娠

賈逵曰緡有仍之姓也

逃於有仍而生少

康少康為有仍牧正有過又欲殺少康少康奔有

虞杜預曰梁國虞縣有虞思夏德於是妻之以二女而邑

之於綸賈逵曰綸虞邑有田一成有眾一旅後遂收夏眾

撫其官職使人誘之遂滅有過氏左傳云使女艾

遂滅過戈復禹之績祀夏配天不失舊物今吳不如有

過之疆而句踐大於少康今不因此而滅之又將

寬之不亦難乎且句踐為人能辛苦今不滅後必

悔之吳王不聽聽太宰嚭卒許越平與盟而罷兵

去七年吳王夫差聞齊景公死而大臣爭寵新君

弱乃興師北伐齊子胥諫曰越王句踐食不重味

衣不重采弔死問疾且欲有所用其眾此人不死

必為吳患今越在腹心疾而王不先而務齊不亦

謬乎吳王不聽遂北伐齊敗齊師於艾陵至繒杜預

曰琅邪繒縣召魯哀公而徵百牢季康子使子貢以周

禮說太宰嚭乃得止因留略地於齊魯之南九年

為駟伐魯至與魯盟乃去索隱曰左傳駟作邾今

改邾十年因伐齊而歸十一年復北伐齊左傳哀

公會吳子伐齊是為夫差十二年此云十一年誤

吳厚獻遺之吳王喜唯子胥懼曰是棄吳也左氏作參

吳諫曰越在腹心今得志於齊猶石田無所用且

盤庚之誥有顛越勿遺商之以興吳王不聽使子

胥於齊子胥屬其子於齊鮑氏還報吳王吳王聞

之大怒賜子胥屬鏹之劍以死將死曰樹吾墓上

以梓令可為器抉吾眼置之吳東門以觀越之滅

吳也索隱曰抉烏穴反正義曰吳俗傳云子胥亡後越從松江北開渠至橫山東北築城伐吳

子胥乃與越軍夢令從東南入破吳越王即移向

三江口岸立壇殺白馬祭子胥杯動酒盡越乃開

渠子胥作濤盪羅城東開入滅吳至今猶號曰示浦門曰鱮鮓是從東門入滅吳也齊鮑氏

弑齊悼公吳王聞之哭於軍門外三日索隱曰公名陽生此

伐在艾陵乃從海上徐廣曰一作中攻齊齊人敗吳吳王

乃引兵歸十三年吳召魯衛之君會於橐臯杜預曰在

淮南邊道十四年春吳王北會諸侯於黃池杜預曰在

留封丘縣南有黃亭近濟水欲霸中國以全周室六月戊子按左

傳作丙子此越王句踐伐吳乙酉越五千人與吳

戰丙戌虜吳太子友丁亥入吳吳人告敗於王夫

差夫差惡其聞也或泄其語吳王怒斬七人於幕

下七月辛丑吳王與晉定公爭長吳王曰於周室

我為長

杜預曰吳王太伯後故為長

晉定公曰於姬姓我為伯

趙鞅怒將伐吳乃長晉定公吳王已盟與晉別欲

伐宋太宰嚭曰可勝而不能居也乃引兵歸國國

亡太子內空王居外久士皆罷敝於是乃使厚幣

以與越平十五年齊田常殺簡公十八年越益彊

越王句踐率兵使伐敗吳師於笠澤楚滅陳二十

年越王句踐復伐吳二十一年遂圍吳二十三年

十一月丁卯越敗吳越王句踐欲遷吳王夫差於

甬東

賈逵曰甬東越東鄙甬江東也韋昭曰句章東海口外州也

予百家居之

吳王曰孤老矣不能事君王也吾悔不用子胥之

言自令陷此遂自剄死越王滅吳誅太宰嚭以為

不忠而歸

按左傳哀公二十四年公如越季孫使因太宰嚭而納賂則吳亡之後嚭又見

用於越與此書及吳越春秋所載不同

太史公曰孔子言太伯可謂至德矣三以天下讓

民無得而稱焉余讀春秋古文乃知中國之虞與

荆蠻句吳兄弟也延陵季子之仁心慕義無窮見

微而知清濁嗚呼又何其闕覽博物君子也

索隱述贊

曰太伯作吳高讓雄圖周章受國別封於虞壽夢初霸始用兵車三子進立延陵不居光既篡位是

稱闔廬王僚見弑賊由專諸夫差
越取敗姑蘇甬東之恥空慙伍胥

右錄史記全文自太伯至王僚二十三世並
都梅里其世次可考矣事有散見經傳為史
記所未詳者並采摭焉

詩皇矣三章帝省其山柞棫斯拔松栢斯兌帝作

邦作對自太伯王季傳對配也從太伯之見王季也箋作為也天為邦謂與周

國也作配謂為生明君也是乃自太伯王季時則然矣太伯讓于王季而文王起維此王

季因心則友則友其兄則篤其慶載錫之光受祿

無喪奄有四方箋王季以有因心則友之德故世世受福祿至于覆有天下嚴氏詩

緇皇矣三章述太伯王季相遜之事為文王張本

也天省視岐山之地柞棫拔而遂茂松栢兌而悅

澤則氣象葱鬱而都邑成矣天作邦于此謂與周

使為王國也作對于此謂生文王以配天也此作

邦作對由于太伯遜于王季而後文王起也因說

王季之德甚大則友愛于太伯既受其遜益修其

德以篤厚周家之慶予太伯以讓國之光王季受

天祿而不失其後人遂奄有四方則太伯之讓為

有光矣仁山金氏曰讀此詩者則知太伯王季兄弟讓德之光玩朱夫子以天下讓之言又當攷諸

此可也左傳太伯虞仲太王之昭也太伯不從是以不嗣註太伯虞仲皆太王之子不從父命俱讓

志與仲雍俱逃遂傳季歷以及武王而有天下是
周有天下由於太伯之逃人但知太伯之逃而不
知其實以又左傳太伯端委以治周禮仲雍嗣
天下讓

之斷髮文身羸以為飾豈禮也哉有由然也疏太伯之

時未有周禮言治周禮者謂治其本國岐周之禮非周公所制禮也羸以為飾者羸其身體以文身為飾也此傳言太伯端委仲雍斷髮史記云二人皆文身斷髮然則文身斷髮自辟害耳史記以為示不可用二人去遠適荆蠻則周人不知其處何以須示不可用也皆馬遷謬耳○吳越

春秋泰伯傳略古公三子長曰泰伯次曰仲雍一

名吳仲少曰季歷季歷娶太任氏生子昌昌有聖

瑞古公知昌聖欲傳國以及昌曰興王業者其在

昌乎因更名曰季歷泰伯仲雍望風知指曰歷者

適也知古公欲以國及昌古公病二人託名採藥

於衡山遂之荆蠻斷髮文身為夷狄之服示不可

用古公卒泰伯仲雍歸赴喪畢還荆蠻國民君而

事之自號為句吳吳人或問何像而為句吳泰伯

曰吾以伯長居國絕嗣者也其當有封者吳仲也

故自號句吳非其方乎荆蠻義之從而歸之者千

有餘家共立以為句吳數年之間民人殷富遭殷

之末世衰中國侯王數用兵恐及於荆蠻故泰伯

起城周三里二百步外郭三十餘里在西北隅名

曰故吳人民皆耕田其中古公病將卒令季歷讓

海里志 卷一 十七

國於泰伯而三讓不受故云泰伯三以天下讓於
 是季歷蒞政修先王之業守仁義之道季歷卒子
 昌立號曰西伯遵公劉古公之術業於養老天下
 歸之西伯致太平伯夷自海濱而往西伯卒太子
 發立任周召而伐殷天下已安乃稱王追謚古公
 為太王追封泰伯於吳泰伯卒葬於梅里平墟仲
 雍立是為吳仲雍仲雍卒子季簡簡子叔達達子
 周章章子熊子遂遂子柯相相子彊鳩夷夷子餘
 橋疑吾吾子柯廬廬子周繇繇子屈羽羽子夷吾

吾子禽處處子專專子頗高高子句畢立是時晉
 獻公滅周北虞虞公以開晉之伐號氏畢子去齊
 齊子壽夢夢立而吳益彊稱王凡從泰伯至壽夢
 之世與中國時通朝會而國斯霸焉

按日知錄云
皇矣之詩曰

帝作邦作對自太伯王季則泰伯之時周日以彊
 大矣乃託之採藥往而不反當其時以國讓也而
 自後日言之則以天下讓也當其時讓王季也而
 自後日言之則讓於文王武王也有天下者在三
 世之後而讓之者在三世之前宗祧不記其功彝
 鼎不銘其迹此所謂三以天下讓民無得而稱焉
 者也路史曰方太王時以與王季而王季以與文
 王文王以與武王皆泰伯啓之也故曰三讓又云
 泰伯去而王季立王季立而文武興雖謂之以天
 下讓可矣太史公序吳世家云太伯避歷江蠻是

適文武攸與古公王迹甚當又云高泰伯之讓國者不妨王季詩之言因心則友是也述文王之事君者不害武王詩之言上帝臨女是也古人之能言如此今將稱泰伯之德而先以莽操之志加之太王豈夫子立言之意哉朱子作論語或問不取翦商之說而蔡仲默傳書武成曰太王雖未始有翦商之志而始得民心王業之成實基於此仲默朱子之門人可謂善於匡朱子之失者矣又云或問曰太王有廢長立少之意非禮也泰伯又探其邪志而成之至於父死不赴傷毀髮膚皆非賢者之事就使必於讓國而為之則亦過而不合於中庸之德矣其為至德何邪曰太王之欲立賢子聖孫為其道足以濟天下而非有愛憎之間利欲之私也是以泰伯去之而不為狷王季受之而不為貪父死不赴傷毀髮膚而不為不孝蓋處君臣父子之變而不失乎中庸此所以為至德也其與魯隱公吳季子之事蓋不同矣此說本之伊川先生又按天蓋樓語錄云君臣之義原為天下而有

太王為天下而翦商武王為天下而伐紂泰伯為天下而讓位王季為天下而受命其義一也故詩曰帝作邦作對自太伯王季維此王季因心則友則友其兄則篤其慶載錫之光受祿無喪奄有四方作邦作對而曰自泰伯則泰伯之宜有天下可知稱王季則曰友兄錫光受祿言承泰伯之意能篤周之人而受天命以彰其知人之明為讓德之光則翦商亦泰伯所遺也泰伯自不欲為且見王季之足以有為故三讓以自全耳朱子謂太王欲立賢子聖孫為其道足以濟天下非有愛憎利欲之私也故泰伯去之不為狷王季受之不為貪又云論其志則文王固高於武王而泰伯所處又高於文王論其事則泰伯尤表裏無憾又云二者須見道不得已而泰伯尤表裏無憾又云二者須見道並行而不相悖乃善合此數條觀之足以見集註之無疑金仁山不明此義自以其人欲之心胷妄疑古聖人之大義與後世取天下並論不知此中正相反太王翦商子孫以此頌其祖而不為嫌豈

數百年中聖君賢相名卿學士無一人知修飾訂正之而待今日為之斡旋洗刷乎蓋事出天理本無可避諱也若莽操之篡奪必以功德禪讓自文今欲為太王去翦商之名是以莽操見識看太王也乃反議集註未改正如近人所云以庸夫之腹度聖人而與今之人皆民者也豈足與之讀集註哉

○春秋成七年經吳伐郟吳始見經吳入州來是為吳子

壽夢楚共王立子重子反殺巫臣之族左傳

而分其室巫臣自晉遺二子書曰爾以讒慝貪怵

事君而多殺不辜余必使爾罷於奔命以死巫臣

請使于吳晉侯許之吳子壽夢說之乃通吳于晉

以兩之一卒適吳舍偏兩之一焉舍音赦。司馬法百人為卒

二十五人為兩車九乘為小偏十五乘為大偏蓋留九乘車及一兩二十五人今吳習之補正傅氏

曰古人一車謂之一兩非二十五人為兩之兩也蓋楚廣之制本用一卒故云以兩之一卒其云舍

偏兩之一者車之半邊為偏偏五十人今留二十五人也與其射御教吳乘車

教之戰陳教之叛楚前是吳常屬楚真其子狐庸焉使

為行人于吳吳始伐楚伐巢伐徐楚屬國子重奔

命馬陵之會吳入州來子重自鄭奔命子重子反

於是乎一歲七奔命蠻夷屬于楚者吳盡取之是

以始大通吳於上國○成十五年經冬十有一月

叔孫僑如會晉士燮齊高無咎宋華元衛孫林父

奠公子鮑邾人會吳于鍾離鮑音秋。註吳夷未嘗與中國會今始來

通鍾離楚邑左傳會吳於鍾離始通吳也○襄三年經

春楚公子嬰齊帥師伐吳註楚始伐吳左傳楚子重伐

吳為簡之師克鳩茲至於衡山註簡選練也鳩茲吳邑在丹陽蕪湖

縣東衡山在吳與烏程縣南使鄧廖帥組甲三百被練三千賈

云組甲以組綴甲車士服之被練帛也以帛綴甲步卒服之以侵吳吳人要而

擊之獲鄧廖其能免者組甲八十被練三百而已

子重歸既飲至三日吳人伐楚取駕駕良邑也鄧

廖亦楚之良也君子謂子重於是役也所獲不如

所亡○襄十二年經秋九月吳子乘卒註吳始書卒壽夢卒

樊立子諸○吳越春秋壽夢傳略壽夢元年朝周適楚

觀諸侯禮樂魯成公會於鍾離以史記年表考之是為壽夢十五年

此云元年疑誤成公悉為陳前王之禮樂詠歌三代之風

壽夢曰孤在夷蠻徒以椎髻為俗豈有斯之服哉

因歎而去曰於乎哉禮也二年楚之亡大夫申公

巫臣適吳以為行人教吳射御導之伐楚楚莊王

怒使子反將敗吳師二國從斯結讐於是吳始通

中國而與諸侯為敵五年伐楚敗子反十六年楚

共王怨吳為巫臣伐之也乃舉兵伐吳至衡山而還十七年壽夢以巫臣子狐庸為相任以國政二十五年壽夢卒○春秋襄二十五年經十有二月吳子遏伐楚門于巢卒左傳吳子諸樊伐楚以報舟師之役門於巢攻巢門巢牛臣曰吳王勇而輕若啓之將親門我獲射之必殪是君也死疆其少安從之吳子門焉牛臣隱於短牆以射之卒諸樊卒弟餘祭立○襄二十九年經閻殺吳子餘祭左傳吳人伐越獲俘焉以為閻使守舟吳子餘祭觀舟閻以刀

弑之餘祭卒弟夷末立○襄三十一年左傳吳子使屈狐庸聘於晉趙文子問焉曰延州來季子其果立乎

隕諸樊閻戕戴吳天似啓之何如對曰不立是二王之命也非啓季子也若天所啓其在今嗣君

乎註嗣君謂夷末甚德而度註德言仁度言智德不失民度不失

事民親而事有序其天所啓也有吳國者必此君之子孫實終之季子守節者也雖有國不立○昭

四年經秋七月楚子蔡侯陳侯許男頓子胡子沈子淮夷伐吳執齊慶封殺之左傳楚子以諸侯伐

吳使屈申圍朱方八月甲申克之執齊慶封而盡滅其族冬吳伐楚入棘櫟麻註棘櫟麻皆楚東鄙邑以報朱方之役○昭五年經冬楚子蔡侯陳侯許男頓子沈子徐人越人伐吳左傳楚子以諸侯及東夷伐吳以報棘櫟麻之役○昭六年經秋九月楚遠罷師師伐吳左傳徐儀楚聘於楚楚子執之逃歸懼其叛也使遠洩伐徐吳人救之令尹子蕩帥師伐吳師於豫章而次於乾谿吳人敗其師於房鍾吳地獲宮廐尹弃疾子蕩歸罪於遠洩而殺之○昭十

五年經春王正月吳子夷末卒

夷末卒子僚立

○昭十七

年經楚人及吳戰于長岸

楚地

左傳吳伐楚戰於長

岸子魚先死

註子魚楚公子鮒也

楚師繼之大敗吳師獲其

乘舟餘皇

註餘皇舟名

使隨人與後至者守之環而塹

之及泉盈其隧炭陳以待命吳公子光請於其衆

曰喪先王之乘舟豈唯光之罪衆亦有焉請藉取

之以救死衆許之使長鬣者三人

註長鬣多髭鬚詐為楚人潛

伏於舟側曰我呼餘皇則對師夜從之三呼皆迭

對楚人從而殺之楚師亂吳人大敗之取餘皇以

歸○昭二十三年經秋七月戊辰吳敗頓胡沈蔡

陳許之師于雞父楚地胡子髡沈子逞滅獲陳夏齧

註國雖存君死曰滅大夫死生通曰獲左傳吳人伐州來楚遠越帥

師及諸侯之師犇命救州來吳人禦諸鍾離戊辰

晦戰於雞父吳子以罪人三千先犯胡沈與陳註

徒不習戰以示不整三國爭之吳為三軍以繫於後中軍從

王光帥右掩餘帥左吳之罪人或奔或止三國亂

吳師擊之三國敗獲胡沈之君及陳大夫舍沈胡

之囚使奔許與蔡頓曰吾君死矣師譟而從之三

國犇楚師大犇○昭二十四年經冬吳滅巢楚邑左

傳楚子為舟師以略吳疆越大夫胥犴勞王於豫

章之汭越公子倉歸王乘舟倉及壽夢帥師從王

註歸遺也壽夢越大夫王及圍陽而還註圍陽楚地吳人踵楚而

邊人不備遂滅巢及鍾離而還○昭二十七年經

夏四月吳弑其君僚註僚亟戰民罷又伐楚喪故

僚也。林僚弑公子光立是為闔廬○公羊傳何賢乎季子讓國也

其讓國奈何謁也餘祭也夷昧也與季子同母者

四季子弱而才兄弟皆愛之同欲立之以為君謁

曰今若是迕而與季子國季子猶不受也請無與
子而與弟弟兄迭爲君而致國乎季子皆曰諾故
諸爲君者皆輕死爲勇飲食必祝曰天苟有吳國
尚速有悔於予身故謁也死餘祭也立餘祭也死
夷昧也立夷昧也死則國宜之季子者也季子使
而亡焉僚者長庶也卽之季子使而反至而君之
爾闔閭曰先君之所以不與子國而與弟者凡爲
季子故也將從先君之命與則國宜之季子者也
如不從先君之命與則我宜立者也僚焉得爲君

乎於是使專諸刺僚而致國乎季子季子不受曰
爾殺吾君吾受爾國是吾與爾爲篡也爾殺吾兄
吾又殺爾是父子兄弟相殺終身無已也去之延
陵終身不入吳國故君子以其不受爲義以其不
殺爲仁○檀弓延陵季子適齊於其反也其長子
死葬於贏博之間孔子曰延陵季子吳之習於禮
者也往而觀其葬焉其坎潑不至於泉其斂以時
服旣葬而封廣輪揜坎其高可隱也旣封左袒右
還其封且號者三曰骨肉歸復於土命也若寃氣

則無不之也無不之也而遂行孔子曰延陵季子
 之於禮也其合矣乎○春秋昭三十年左傳吳子
 問於伍員曰初而言伐楚在二余知其可也而恐
 其使余往也又惡人之有余之功也今余將自有
 之矣伐楚何如對曰楚執政衆而乖莫適任患若
 爲三師以肄焉註肄猶勞也一師至彼必皆出彼出則
 歸彼歸則出楚必道敝亟肄以罷之多方以誤之
 既罷而後以三軍繼之必大克之闔廬從之楚於
 是乎始病○定二年經秋楚人伐吳左傳楚囊瓦

伐吳師於豫章吳人見舟於豫章而潛師於巢冬
 十月吳軍楚師於豫章敗之遂圍巢克之獲楚公
 子繁註守巢大夫○定四年經冬十有一月庚午蔡侯
 以吳子及楚人戰于柘舉楚師敗績楚囊瓦出犇
 鄭庚辰吳入郢○定六年左傳四月己丑吳大子
 終纍敗楚舟師獲潘子臣小惟子及大夫七人楚
 國大惕懼亡子期又以陵師敗於繁揚註陵師陸軍令
 尹子西喜曰乃今可爲矣於是乎遷郢於都而改
 紀其政以定楚國○定十四年經五月於越敗吳

于橋李

註橋李吳郡嘉興縣南

吳子光卒

光卒子夫差立

○哀元年

左傳吳王夫差敗越於夫椒報橋李也遂入越○

哀九年左傳秋吳城邗溝通江淮

註於邗江築城穿溝東北通射

陽湖西北至宋口入淮通澧道也今廣陵邗江是

○哀十年經冬楚公子

結帥師伐陳吳救陳左傳楚子期伐陳吳延州來

季子救陳謂子期曰二君不務德而力爭諸侯民

何罪焉我請退以為子名務德而安民乃還

註壽夢卒

在襄十二年時季子已能讓國年當十五六至是已七十七年季子年蓋九十餘

○劉向

新序延陵季子將西聘晉帶寶劍以過徐君徐君

觀劍不言而色欲之延陵季子為有上國之使未

獻也然其心許之矣至使於晉而返則徐君死於

楚於是脫劍致之徐君從者止曰此吳國之寶非

所以贈徐也季子曰吾非贈之也先日來徐君觀

吾劍不言而色欲之吾為有上國之使故未獻吾

心已許之矣今死而不進是欺心也愛劍偽心廉

者不為也遂脫劍致之嗣君嗣君曰先君無命孤

不敢受於是季子以劍掛徐君墓樹而去徐人嘉

而歌之曰延陵季子兮不忘故脫千金之劍兮帶

丘墓

吳泰伯世系

周太王——泰伯

姓姬氏公
叔祖之子
后稷十一
世孫即古
公也名亶
父居幽避
狄居岐

太王長子
犇荆蠻斷
髮文身以
避季歷自
號句吳荆
蠻義之從
之者千餘
家立為吳
泰伯

仲雍

太王次子
亦犇荆蠻
斷髮文身
泰伯卒無
子仲雍立

季簡

雍子

叔達

簡子

季歷

文王

武王

太王妃太
姜之子是
為王季娶
太任有聖
子太王欲
立以及其
子

周世次
不錄

周章

熊遂

柯相

彊鳩夷

叔達之子
武王克殷
因周章已
君吳遂封
之即今吳

章之子

遂之子

相之子

虞仲

周章之弟
武王克殷
封之於夏
虛是為虞
仲在河東
大陽縣傳
十二世而
晉滅之即

假道以伐
號之時今
不錄其世
次

餘橋疑吾

柯盧

周繇

屈羽

鳩夷子

疑吾子

盧之子

繇之子

夷吾

禽處

轉

頗高

羽之子

吾之子

處之子

轉之子

句甲

高之子

去齊

句甲子

壽夢

齊之子吳始大稱王

諸樊

夢卒樊立十三年卒餘祭立

光

諸樊之子即闔廬也代僚自立

夫差

闔廬十九年為越兵傷指而歿

友

餘祭

祭立十七年卒餘昧立

夫槩

光十年伐楚師敗留楚槩亡歸自立為吳

三年為越所并

餘昧

昧卒札逃立僚

季札

壽夢四子札最賢夢欲立之札

辭於不可夢卒於是立

諸樊攝行

事除喪又

遜於札

而棄其室札祭立乃及餘

札於延陵

僚

立十三年卒

王光歸攻之槩奔楚楚昭王封之堂谿為堂谿氏

蓋餘

號延陵季子祭卒傳昧昧卒又欲授札竟僚按季札十九世孫

燭庸

已上世次依據史記世家按唐陸廣微吳地記與世家多舛錯處錄之以備參考

泰伯在位四十九年無子弟仲雍立

周繇在位三十七年子熊遂立

史記仲雍子季簡簡子叔達達子周章章子熊遂繇作柯盧子

熊遂在位四十九年子甲軫立

甲軫在位五十九年子疑吾立

索隱古史考云甲軫為頗高子疑吾為鳩夷子

疑吾在位三十八年兄夷處立

夷處在位三十九年姪壁羽立

史記無夷處禽處為夷吾子壁羽疑即屈羽為周繇子

壁羽在位三十六年子齊玄立

齊玄在位五十年子柯盧立

柯盧在位二十七年弟柯轉立

史記無齊玄按句甲子曰去齊吳越春秋盧作盧吳越春秋轉作專索隱譙周古史考

作柯轉史記曰
轉為禽處子

柯轉在位二十四年子嬌夷立史記無

嬌夷在位二十四年姪鴟夷立史記疆鳩夷為
柯相子無鴟夷

鴟夷在位三十年子界嗣立

界嗣在位三十五年子知濟立按史記無界嗣知
濟之名此不知何

據

知濟在位二十七年子諸樊立史記樊為壽夢子
立十三年卒弟餘

祭立此處
年位俱無

餘濟在位十七年弟昧立史記諸樊弟
餘祭祭音債

餘昧在位二十一年子僚立

子僚在位十三年從弟子光立


子光在位二十年子夫差立

夫差在位二十三年

已上計二十五主治國總六百二十四年

梅里志卷一

里人蔡名烜校刊



文政戊寅

